

<https://news.usm.my>

Berita Mutakhir

08
SEP

USM JALIN KERJASAMA AKADEMIK, PENYELIDIKAN DAN LIBATSAMA KOMUNITI DENGAN UNIVERSITAS JEMBER

12003926 10207524329250744 2828873882302913835 n

JEMBER, SURABAYA (INDONESIA), 8 September 2015 – Universiti Sains Malaysia (USM) menandatangani Memorandum Kerjasama (MoA) dengan Universitas Jember di sini untuk mengukuhkan kerjasama akademik serta penyelidikan dalam bidang Pembangunan Sains Islam serta penganjuran konferens di samping mengadakan libatsama komuniti dan pertukaran pensyarah pada masa hadapan.

Menurut Naib Canselor USM Profesor Dato' Dr. Omar Osman, kerjasama ini dibuat melalui Pusat Kajian Pengurusan Pembangunan Islam (ISDEV) dalam program yang telah dimulakan sejak tahun 2012.

10421220 10207524329650754 6980441706794602144 n

"Kita berharap dapat menawarkan program pengajian bersama dengan Universitas Jember seperti Sains Persekitaran dan Kejuruteraan di samping bidang Sains Sosial yang dilakukan sekarang ini," kata Omar.

Tambahnya lagi, kita juga bersetuju untuk menambahkan lebih ramai kakitangan dan pelajar dari kedua-dua universiti untuk turut serta dalam program libatsama komuniti di sini.

11990429 10207524330410773 2438327866996371531 n

Sementara itu, Rektor Universitas Jember Dr. Mohamad Hassan berkata, USM menjadi pendorong untuk pihaknya lebih maju dalam usaha penyelidikan.

"Adalah diharapkan beberapa perjanjian persefahaman lagi akan ditandatangani menjelang hujung tahun ini untuk memperkukuhkan hubungan kerjasama ini," kata Mohamad.

11215055 10207524327770707 8530003525624554429 n

11953269 10207524326930686 3621678554608060723 n

Yang turut hadir ialah Pengarah ISDEV, Profesor Dr. Muhammad Syukri Salleh serta beberapa orang pensyarah dan pelajar ISDEV yang turut serta dalam Dialog Universitas Jember USM dan Konferens Internasional Pembangunan Islami Kedua selama 3 hari bermula semalam.

Esok, Naib Canselor USM itu akan memberi ucapan utama dalam persidangan ini yang bertajuk Kenapa Penelitian Metodologi Islami.

Teks: Mohamad Abdullah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015